



PUSSAIVLADADS DA FURMAZIUN SUPPLEMENTARA

Il sistem da furmaziun professiunala da la Svizra porscha bleras pussaivladads co che Vus pudais planisar Vossa carriera. Vus avais las suandantas purschidas suenter avair terminà cun success in emprendissadi (AFQ).

Qualificaziuns supplementaras e curs

Premissas	per regla in emprendissadi terminà (AFQ)
Descripziun	Qualificaziuns supplementaras cuntanschais Vus per exempel entras curs u scolaziuns en l'atgna branscha. Impurtant èsi era da schlargiar las cumpetenzas linguisticas e d'informatica. Las singulas purschidas da furmaziun supplementara chattais Vus sut: www.berufsberatung.ch/weiterbildung .

Emprendissadi supplementar

Premissas	emprendissadi terminà (AFQ)
Descripziun	Sche Vus avais gia terminà ina scolaziun da basa professiunala, pudais Vus absolver in emprendissadi supplementar en ina professiun da la medema domena en pli curt temp. Davart la reducziun dal temp d'emprendissadi e davart la dispensaziun da roms decida l'inspecturat professiunal dal chantun: www.berufsbildung.gr.ch →Servetschs →L'inspecturat professiunal.

In segund emprendissadi

Premissas	emprendissadi terminà (AFQ)
Descripziun	In ulteriur emprendissadi en ina tut outra domena da professiun vegn considerà sco segund emprendissadi. La dispensaziun da tscherts roms da scola ed ulteriurs detagls stuais Vus sclerir cun l'inspecturat professiunal: www.berufsbildung.gr.ch : →Servetschs →L'inspecturat professiunal.

Examen professiunal EP (tud: Berufsprüfung BP)

Finizium	certificat professiunal federal (tud: Fachausweis FA)			
Premissas	emprendis-sadi adequat	auter emprendissadi	maturitad gimnasiala u scolaziun equivalenta	lavor pratica
Experientscha da pratica dumandada	1 fin 6 onns			
Descripziun	<p>Entras la frequentaziun da curs da preparaziun per l'examen professiunal cuntanschais Vos ina savida spezialisada profundada e qualificaziuns da manar. Suentar avair reussì l'examen professiunal retschavais Vos il certificat professiunal federal.</p> <p>La preparaziun d'examen succeda complementarmain a la professiun e po vegnir absolvida en moduls cun finiziuns parzialas.</p> <p>Las singulas scolaziuns chattais Vos sut: www.berufsberatung.ch/weiterbildungsberufe.</p> <p>Curs per la preparaziun da l'examen n'èn per regla betg prescrits, en la pli gronda part dals cas dentant indispensabels.</p>			

Examen professiunal superiur (EPS)

Finizium	diplom federal			
Premissas	emprendis-sadi professiunal	per regla examen professiunal	maturitad gimnasiala u scolaziun equivalenta	lavor pratica
Experientscha da pratica dumandada	1 fin 6 onns			
Descripziun	<p>Suentar avair reussì l'examen professiunal superiur retschavais Vos il diplom federal. Vos As qualifitgais qua tras da manar autonomamain in manaschi u per plazzas da lavor, en las qualas vegnan pretendidas enconuschientschas profundadas en las domenas da la direcziun dal persunal e da projects, en economia da manaschi e contabilitad.</p> <p>La preparaziun d'examen succeda complementarmain a la professiun e po vegnir absolvida en moduls cun finiziuns parzialas.</p>			

Y:\05 BSLB\01 Dauerakten\09 Information\05 Laufbahn_Weiterbildung\Laufbahngestaltung\150720-bslb-pussaiv\ladads da furnaziun supplementara.docx

Las singulas scolaziuns chattais Vos sut:
www.berufsberatung.ch/weiterbildungsberufe.

Curs per la preparaziun da l'examen n'èn per regla betg prescrits, en la pli gronda part dals cas dentant indispensabels.

Scola specialisada superiura (tud: Höhere Fachschule HF)

Finizium	diplom federal			
Premissas	emprendissadi terminà (AFQ)			
Tut tenor scola:	examen d'admissiun	pratica professionala	praticum	scolaziun d'introducziun
Descripziun	<p>La frequentaziun d'ina scola specialisada superiura dura 2 u 3 onns (tut tenor scola e scolaziun, en temp cumplain u complementarmain a la professiun).</p> <p>Cun la scolaziun en ina scola specialisada superiura approfondais Vos Vossa savida generala ed acquistais enconuschientschas teoreticas e praticas per l'organisaziun e direcziun en il cader mesaun.</p> <p>Las singulas scolaziuns chattais Vos sut: www.berufsberatung.ch/weiterbildungsberufe.</p>			

Maturitad professionala (tud: BM) II

Premissas	emprendissadi terminà (AFQ) e reussir il proceder da qualificaziun respectivamain d'admissiun
Descripziun	<p>La maturitad pussibilitescha l'access al studi da bachelor en ina scola auta specialisada correspondent.</p> <p>I dat las suandantas orientaziuns da maturitad professionala: tecnica, architectura, Life Sciences, economia e servetschs, sanadad e social, creaziun ed art sco era natira, cuntrada e vivonda.</p> <p>La scolaziun succeda a temp cumplain u parzial.</p>

Passarella

Premissas	maturitad professionala, autras premissas èn tut tenor scola pussaivlas
Descripziun	<p>La passarella è in examen complementar per maturandas e maturands professionals. Ella pussibilitescha l'access ad universitads svizras ed a scolas autas pedagogicas. Ils curs da preparaziun per l'examen da passarella cuzzan 2-3 semesters.</p> <p>Dapli tar la passarella sut www.berufsberatung.ch/passarelle.</p>

Scola auta specialisada SAS (tud: Fachhochschule FH)

Finizun	bachelor / master scola auta specialisada (sistem da Bologna)			
Premissas	emprendis- sadi terminà e maturitad profes- siunala	maturitad gimnasiala ed onn pratic	Experientscha professiunala (sur dossier)	cundiziuns d'admissiun supplementaras (tut tenor scola)

Descripziun Il studi da bachelor en ina scola auta specialisada succeda tut tenor scola e scolaziun en temp cumplain u complementarmain a la professiun. Savens vegnan ils praticums absolvids durant il studi. Absolvents d'in bachelor SAS èn fitg qualificgads ed èn da chattar sin tut ils stgalims da cader.

Ulteriuras infurmaziuns tar il studi SAS chattais Vus sut:
www.berufsberatung.ch/fachhochschulen.

Maturitad gimnasiala (segunda via da furmaziun)

Premissas L'access ad ina maturitad sin la segunda via da furmaziun è reglada fitg differentamain da scola tar scola. Savens han ins da reussir in examen d'admissiun.

Descripziun Cun reussir la maturitad han ins access direct ad in studi en las universitads svizras, en scolas autas tecnicas federalas ed en scola autas specialisadas. Las scolas porschan instrucziun cumplaina, parziala ed a distanza. Tut tenor moda e maniera da scolaziun sa differenzieschan era la durada (savens trais u quatter onns) ed ils custs.

► Ulteriuras infurmaziuns

e sustegn survegns ti en il CIP. L'adressa dal CIP en tia vischinanza chattas ti sut:

www.berufsbildung.gr.ch → Rumantsch → Sur da nus → Lieu ed adressa → Cussegliaziun da professiun, da studi e da carriera

e-mail: biz@afb.gr.ch